

1976

IPOH, 1 OKT (BERNAMA) -- PEPERIKSAAN LOWER CERTIFICATE OF EDUCATION (LCE) AKAN DIADAKAN BAGI CALUN-CALUN SARAWAK MULAI TAHUN DEPAN TETAPI DALAM MASA PERALIHAN INI KELULUSAN MATAPELAJARAN BAHASA MALAYSIA TIDAK AKAN DIWAJIBKAN, KATA TIMBALAN PERDANA MENTERI, DR. MAHATHIR MOHAMED HARI INI.

SATU PERATURAN PEPERIKSAAN LCE YANG DIUBAHSUAIKAN AKAN DIKELUARKAN UNTUK CALUN-CALUN NEGERI TERSEBUT, KATANYA DI UPACARA PENYAMPAIAN SIJIL DAN MENGUMUMKAN NAMA BARU MAKTAB PERGURUAN HARIAN DISINI KEPADA MAKTAB PERGURUAN KINTA.

BELIAU YANG JUGA MENTERI PELAJARAN BERKATA PEPERIKSAAN ITU YANG MENGGANTIKAN PEPERIKSAAN SARAWAK JUNIOR SECONDARY SCHOOL CERTIFICATE OF EDUCATION (JSC) ADALAH SEBAGAI LANGKAH PERMULAAN MENYELARASKAN PEPERIKSAAN ANTARA CALUN DI SEMENANJUNG DENGAN SARAWAK SETELAH AKTA PELAJARAN 1961 DIPERLUASKAN KE NEGERI ITU PADA 1 JANUARI LALU.

PADA MASA INI ADA DUA JENIS PEPERIKSAAN DI PERINGKAT TINGKATAN 111 DI SEKOLAH-SEKOLAH KERAJAAN, BANTUAN KERAJAAN DAN SEKOLAH PERSENDIRIAN DI SARAWAK. -- BERSAMBUNG 1140/SZ

EE

B508:

MAHATHIR 2 IPOH

PEPERIKSAAN ITU TALAH JSC BAGI CALUN ALIRAN INGGERIS YANG DIKELOLAKAN OLEH JABATAN PELAJARAN SARAWAK DAN SIJIL RENDAH PELAJARAN (SRP) YANG DIKELOLAKAN OLEH LEMBAGA PEPERIKSAAN, KEMENTERIAN PELAJARAN.

DENGAN PENGGANTIAN INI, MAKA SARAWAK MAJU SETAPAK LAGI DALAM USAHA HENDAK MENYATUKAN SISTEM PELAJARAN NEGERI ITU DENGAN SISTEM PELAJARAN KEBANGSAAN.

BELIAU BERKATA SISTEM PELAJARAN KEBANGSAAN MEMAINKAN PERANAN PENTING BAGI MENGUJUDKAN SEBUAH MASYARAKAT YANG MAJU DAN BERSATUPADU SESUAI DENGAN KEHENDAK DASAR EKONOMI BARU DAN RUKUNEGARA.

DR. MAHATHIR BERKATA PERUNTUKAN \$77.2 JUTA BAGI LATIHAN PERGURUAN DI BAWAH RANCANGAN MALAYSIA KETIGA ADALAH SATU PERUNTUKAN TERBESAR.

PROGRAM LATIHAN PERGURUAN DI SEMENANJUNG SAJA DALAM TEMPUH RANCANGAN ITU AKAN MENGELUARKAN 25,440 ORANG GURU DARI 14 MAKTAB PERGURUAN SEKARANG.

EMPAT LAGI MAKTAB BARU DIJANGKA SIAP MENJELANG TAHUN DEPAN. -- BERNAMA 1140/AZ